



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-414-6/24**

Datum: **24.01.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica, «ALMY» d.o.o. Zenica za donošenje Rješenja o vodnoj dozvoli za ispuštanje tehnoloških otpadnih voda sa lokacije objekta samouslužne autopraonice u Ulici Radnička, grad Zavidovići, na osnovu člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

Odbija se zahtjev pravnog lica, «ALMY» d.o.o. Zenica za donošenje Rješenja o vodnoj dozvoli za ispuštanje tehnoloških otpadnih voda sa lokacije objekta samouslužne autopraonice, izgrađenog u ulici Radnička, na zemljištu označenom kao k.č. broj: 222/2 K.O. Zavidovići, grad Zavidovići kao neosnovan, jer je dio predmetnog objekta izgrađen unutar granice vodnog dobra uz rijeku Bosnu što je u suprotnosti sa odredbama člana 12. Zakona o vodama («Službene novine Federacije BiH», broj: 70/06).

O b r a z l o ž e n j e

Pravno lice «ALMY» d.o.o. Zenica, dana 19.08.2024. godine, podnijelo je, ovoj Agenciji, zahtjev za izdavanje vodne dozvole za ispuštanje tehnoloških otpadnih voda sa lokacije objekta samouslužne autopraonice, izgrađenog u Ulici Radnička, na zemljištu označenom kao k.č. broj: 222/2 K.O. Zavidovići, grad Zavidovići.

Dopisom broj: UP-1/21-3-40-414-2/24 od 22.08.2024. godine od Investitora je, u skladu sa članom 12. i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), traženo da dopuni dokumentaciju, što je urađeno u predviđenom roku.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-24-002126 od 09.07.2024. godine izdatog od Općinskog suda u Zenici,
- Ovjereni kopija Uvjerenja o poreznoj registraciji (za PJ benzinska pumpa Zavidovići) izdatog od Porezne uprave Federacije BiH-Kantonalni ured Zenica od 29.11.2002.,
- Dokaz o uplaćenju upravnoj taksi,
- Kopija Rješenja o odobrenju za upotrebu broj: 06-19-3038/24-UP-1-5 od 28.08.2024. godine, izdatog od Službe za upravu geodetskih, imovinsko-pravnih poslova i urbanizma Grada Zavidovići,
- Kopija Zapisnika o izvršenom tehničkom pregledu izvedenih radova od 26.08.2024. godine,
- Kopija Rješenja o odobrenju za izvođenje radova broj: 06-19-4314/23-UP-1-3 od 25.01.2024. godine izdatog od Službe za upravu geodetskih, imovinsko-pravnih poslova i urbanizma Grada Zavidovići,
- Kopija Rješenja o lokacijskoj informaciji broj: 06-19-2205/23-UP-1-2 od 08.11.2023. godine izdatog od Službe za upravu geodetskih, imovinsko-pravnih poslova i urbanizma Grada Zavidovići,
- Glavni projekat – ručna poluautomatska autopraonica, šifra: A-AP-ZA/23, XI/2023., urađen od «STILPROJEKT» d.o.o. Zavidovići (na uvid),
- Projekat izvedenog stanja objekta samouslužne autopraonice broj: 86-IB-G/24, septembar 2024. godine, urađen od «IBIS» d.o.o. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-414-5/24 od 05.11.2024. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

- Samouslužna autopraonica je izgrađena u Ulici Radnička u Zavidovićima, uz objekat benzinske pumpe u vlasništvu Investitora. Za objekat benzinske pumpe je, u ranijem postupku, doneseno Rješenje o vodnoj dozvoli broj: UP-1/21-3-40-645-4/22 od 10.02.2023. godine.
- Samouslužna autopraonica se sastoji od 3 boksa za pranje vozila i upravljačke sobe, separatora masti i ulja.
- Zemljišna čestica označena kao k.č. broj: 222/2 K.O. Zavidovići, grad Zavidovići, na kojoj je izgrađen predmetni objekat, se nalazi dijelom unutar granice vodnog dobra uz rijeku Bosnu, te na tom dijelu zemljišne čestice zabranjeno je izvođenje zahvata osim onih koji su navedeni članom 12. Zakona o vodama («Službene novine Federacije BiH», broj 70/06).
- Za izgradnju predmetnog objekta nisu traženi vodni akti od ove Agencije.
- Za predmetni objekat su ishodovani: Rješenje o odobrenju za upotrebu broj: 06-19-3038/24-UP-1-5 od 28.08.2024. godine, Rješenje o odobrenju za izvođenje radova broj: 06-19-4314/23-UP-1-3 od 25.01.2024. godine te Rješenje o lokacijskoj informaciji broj: 06-19-2205/23-UP-1-2 od 08.11.2023. godine izdati od Službe za upravu geodetskih, imovinsko-pravnih poslova i urbanizma Grada Zavidovići.
- Predmetna samouslužna autopraonica je djelomično izgrađena u vodnom dobru uz rijeku Bosnu, odnosno u vodnom dobru je izgrađena upravljačka soba koja je dio funkcionalne cjeline predmetnog objekta. Upravljačka soba je smještena uz boksove za pranje vozila.
- Uvidom u „Glavni projekat – ručna poluautomatska autopraonica, šifra: A-AP-ZA/23, XI/2023., urađen od «STILPROJEKT» d.o.o. Zavidovići“, na osnovu kojeg je izdato odobrenje za gradnju, je utvrđeno da upravljačka soba nije obuhvaćena projektom.
- U skladu sa članom 12. stav (1) tačka 6. Zakona o vodama, separator masti i ulja sa oknom za monitoring, može biti izgrađen u vodnom dobru. Separator masti i ulja sa oknom za monitoring je izgrađen u okviru pojasa od 10 m od linije dopiranja velikih voda rijeke Bosne.
- Tehnološke otpadne vode iz autopraonice se prikupljaju sistemom betonskih kanala sa rešetkom i odvođe na tretman u tipski separator masti i ulja. Preliv iz separatora je, preko okna za monitoring u rijeku Bosnu.

Razmatrajući podneseni zahtjev, a na osnovu uviđaja izvršenog na predmetnom lokalitetu, uvida u dostavljenu dokumentaciju, konstatuje se da podnosilac zahtjeva nije ispunio uslove za izdavanje vodne dozvole.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena vodna dozvola, pa je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-358-4/24 od 29.10.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata



Nihad Pezo, dipl.ing.građ.

Dostaviti:

- «ALMY» d.o.o. Zenica
ul. Vrandučka bb, Pečuj, 72000 Zenica
- ⊖ AVP, ISV – Vodna knjiga
- Sektor 40, arhiva
- Oglasna ploča, AVP Sava